

Mensahe 4

Panagsakot ug ang Realidad sa Lawas ni Cristo

Basahong Kasulatan: 1 Cor. 1:2; 10:17a; 12:12-13, 24, 27;
Juan 12:24; Fil. 3:10; Efe. 4:20-21

I. “Gisakot pag-usa sa Dios ang lawas”—1 Cor. 12:24:

- A. Dili lang habog ug lalom ang panagsakot kondili mysteryoso sab kaayo—v. 24.
- B. Nagpasabot ang pulong *gisakot* og “gipahiangay,” “gibagay,” “gipahaom,” ug “gisagol,” nga nagpasabot og pagkawala sa mga kalainan.
- C. Nagpasabot ang panagsakot nga kanunay gyod tang mohunong aron makig-ambitay sa uban—Buh. 2:42; 1 Cor. 1:9; 1 Juan 1:3, 7.
- D. Dili gyod ta mobuhat og bisan unsa nga dili makig-ambitay sa ubang balaang nakigtambayayongay nato, kay magpahianay, magbagay, magpahaom, ug mag-sagol man nato ang pakig-ambitay—v. 7.
- E. Nagpasabot ang panagsakot nga natandog ta sa uban ug nakatandog ta nila sa pag-agi nato sa krus, pagbuhat sa mga butang pinaagi sa Espiritu, ug pagbuhat sa tanan aron magpaambit og Cristo tungod ug alang sa Iyang Lawas—Mat. 10:38; 16:24; Gal. 3:2, 5; Efe. 4:12.
- F. Dili pakighigalaay ang panagsakot kondili panagsakot ni Cristo mismo nga nasinati, napahimuslan, ug naambitan sa tagsatagsa ka bahin, sa mga iglesia sa distrito, sa mga masigka-magbubuhay, ug sa mga anciano—itandi sa Rom. 16:1-16.
- G. Aron maampingan ang bugtong-talagsaong pagkausa sa unibersohanong Lawas ni Cristo, kinahanglan masakot ta—1 Cor. 12:24.
- H. Gikinahanglan ang panagsakot aron matukod ang Lawas ni Cristo—Rom. 16:1-16; 1 Cor. 12:20-21, 24; Col. 4:16.

II. Gipakita ug gipadayag sa Juan 12:24 ug 1 Corinto 10:17a ang panginahanglan ug kahulogan sa panagsakot:

- A. Gihisgotan sa Juan 12:24 ang lugas sa trigo nga nahulog sa yuta ug namatay ug namunga og daghang trigo:
 1. Ang *lugas sa trigo* nagpasabot ni Cristo nga diosnong binhi nga magpalugwag daghang trigo (ang mga tawong nidawat Niya) aron mahimong daghang bahin Niya nga moulol sa organicong Lawas Niya—Efe. 1:22-23; 5:30.
 2. Namatay si Cristo nga lugas sa trigo ug nagpalugwag daghang trigo sa pagkabanhaw—Juan 12:24:
 - a. Galingon ug sakoton ang mga lugas aron maharina nga himoong tinapay, nga nagtimaan sa Lawas ni Cristo—1 Cor. 10:17a.
 - b. Dili gyod unta ta magpabiling tibuok nga mga lugas; dugmokon ug galingon gyod ta aron mahimong pinong harina aron masakot ta sa uban ug mahimong tinapay; kining tinapaya mao ang Lawas ni Cristo—12:12-13, 27; Efe. 2:16; 1:22-23.
- B. Ang hunahuna ni Pablo kalabot sa iglesia nga gisagol aron mahimong usa ka tinapay, usa ka Lawas (1 Cor. 10:17), naggikan sa hulagway sa halad nga kalan-on sa Levitico 2:1-16:
 1. Gisagolag lana ang tanang bahin sa pinong harina sa halad nga kalan-on; kini ang panagsakot—vv. 4-5.
 2. Mosangpot ang kinabuhi ni Cristo ug ang tinagsang Cristohanong kinabuhi nato sa kinatibuk-an—sa iglesiahanong kinabuhi nga hiniusang halad nga kalan-on nga hinimo sa mga magtutuo nga gidugmok, gigaling, ug gisakot—vv. 1-2, 4; 1 Cor. 12:12.

III. Ang tuyo sa panagsakot paghatod man kanatong tanan nganha sa realidad sa Lawas ni Cristo—Rom. 12:5; 1 Cor. 12:12-13; Efe. 2:16; 4:12; Col. 2:19:

- A. Kinahanglang naa ta sa mga iglesia lokal nga paagi aron madala ta nganha sa realidad sa Lawas ni Cristo—1 Cor. 1:2; 12:27.
- B. Ang kinahabogang punto sa pahiuli sa Ginoo nga tinuod, praktikal, ug aktwal gyong makatuman sa pamatigayon sa Dios dili man pisikal nga pagpalugwa sa Dios og daghang iglesia lokal kondili sa organicong Lawas nga mahimong organismo Niya—Efe. 1:10, 22-23.
- C. Ang mga iglesia lokal dili maoy tumong sa walay kataposang pamatigayon sa Dios; paagi kini sa Dios sa pagkab-ot sa tumong sa Iyang pamatigayon—ang pagtukod sa Lawas ni Cristo—Mat. 16:18; Efe. 4:12, 16:
 - 1. Ang mga iglesia maoy paagi nga magdala nato nganha sa Lawas ni Cristo—1 Cor. 1:2; 12:12-13, 27.
 - 2. Ang mga iglesia mao ang Lawas, apan walay realidad tingali kini sa Lawas ni Cristo.
- D. Dinaliang gikinahanglan sa Ginoo nga mapadayag diha sa mga iglesia lokal ang realidad sa Lawas ni Cristo; kon walay igong pagpadayag sa realidad sa Lawas, dili mobalik ang Ginoo—Efe. 1:22-23; 4:16; 5:27; Bug. 19:7.

IV. Ang kinahabogang punto sa pamatigayon sa Dios mao ang realidad sa Lawas ni Cristo—Efe. 1:22-23; 4:16:

- A. Ang kahulogan sa panagsakot nato mao ang realidad sa Lawas ni Cristo—1 Cor. 12:24:
 - 1. Kining realidara mao ang grupo sa tinubos nga katawhan sa Dios nga gihi-mong Dios sa kinabuhi ug kinaiya apan dili sa ranggo sa pagka-Dios—Juan 1:12-13; Rom. 8:16; 2 Ped. 1:4.
 - 2. Nagkinabuhi sila dili sa ilang kaugalingon kondili sa laing kinabuhi—sa kinabuhi sa nahikay ug nahingpit nga Tulo-usang Dios, nga nisulod nila ug naghimo nila nga puluy-anan Niya—2 Cor. 13:14; Juan 14:23; Efe. 2:21-22.
- B. Ang realidad sa Lawas ni Cristo mao ang hiniusang pagkinabuhi sa nahing-pit nga mga Dios-tawo, nga tinuod gyong mga tawo apan wala magkinabuhi sa ilang kinabuhi, kondili sa kinabuhi sa nahikay ug nahingpit nga Tulo-usang Dios, kansang mga kaayo napadayag sa maayong kagawian nila—2 Cor. 13:9, 11; Efe. 4:12; 1 Ped. 5:10; 1 Juan 4:12, 17-18:
 - 1. Gikinabuhi sulod sa Dios-tawo nga si Jesus ang kinabuhi sa Dios ug ang tanang kaayo niini ug gipadayag ingog maayong kagawian ning Dios-tawo—Efe. 4:20-21.
 - 2. Sa sinugdan, naa ra ni Jesus kining kinabuhia; gihulad kini karon diha sa mga magtutuo nga gitubos ug gipanganak pag-usab ug naay diosnong kinabuhi sa sulod nila—1:7; Juan 3:6; Col. 3:4.
 - 3. Ang nahingpit nga mga Dios-tawo mga tawong nahamtong na tungod sa sigeng pagbansay nila nga isalikway ang kaugalingon ug magkinabuhi sa laing kinabuhi—sa kinabuhi sa pagkabanhaw ni Cristo—Juan 11:25.
- C. Ang realidad sa Lawas ni Cristo mao ang panagsagol nga pagkinabuhi diha sa walay kataposang pagkausa sa gipanganak pag-usab, gitransporma, gipasama, ug gihimayang mga Dios-tawo nga may tulo ka bahin ug sa Tulo-usang Dios sa pagkabanhaw ni Cristo—itandi sa Huk. 9:9; Sal. 92:10:
 - 1. Kining panagsagol mao ang hiniusang pagkinabuhi nga gipahiuyon sa kamatayon ni Cristo diha sa gahom sa Iyang pagkabanhaw—Fil. 3:10.
 - 2. Naa sa pagkabanhaw ni Cristo kanang panagsagol nga pagkinabuhi, ug ang realidad sa pagkabanhaw mao ang Espiritu; gipaambit ning pagkabanhaw

ang nahingpit nga Tulo-usang Dios ug gipagula ang kinabuhing modaog-sa-kamatayon nganha sa mga magtutuo—Juan 11:25.

3. Kining hiniusa ug panagsagol nga pagkinabuhi sa nahingpit nga mga Dios-tawo sa kataposan mahingpit sa Bag-ong Jerusalem sa bag-ong langit ug bag-ong yuta isip pagtubo ug pagpadayag sa Dios sa eternidad—Bug. 21:1-2, 9-11.
4. Ang hiniusang pagkinabuhi sa nahingpit nga mga Dios-tawo nga realidad sa Lawas ni Cristo maoy motapos ning panahona, nga panahon sa iglesia, ug magpabalik ni Cristo aron modawat, manag-iya, ug magbuot sa yuta uban ning mga Dios-tawo sa panahon sa gingharian—Sal. 24:1-2, 7-10; 72:1-8, 11; Bug. 1:7; 14:14; 20:4.